



Universitätsbibliothek Paderborn

**Pastorum Continens Doctrinas, & Industrias ad Pastorale
Munus piè, fructuosè, ac securè obeundum pertinentes,
Unà cum Casibus frequentiùs circa idem Officium
occurrere solitis, & ex communiote ...**

Lohner, Tobias

Dilingæ, 1678

Membrum XV. De ijs, quæ erga Sponsos observanda sunt.

[urn:nbn:de:hbz:466:1-49267](#)

Ut colant in imperijs

Herorum potestatem.

Pro primo proderit illud Ecclesiastici c. 22. consilium loqui:
*Confide in DEO, & mane in loco suo, facile est enim in via
 DEI subito honestare pauperem.* Pro secundo non pa-
 juvabit insignis S. Pauli Eph. 6. ad servos exhortatio: *Ser-
 vobedite Dominis carnalibus cum timore & tremore in simili-
 tate cordis vestri, sicut Christo, non ad oculum servientes, quia
 hominibus placentes, sed ut servi Christi facientes voluntatis
 DEI ex animo, cum bona voluntate servientes, sicut Domini.
 & non hominibus, scientes, quod unusquisque, quodcumque
 erit bonum, hoc recipiet a Domino, sive servus, sive liber.* Pro tertio denique servient ejusdem iterum Sancti Iohannes
 exhortationes, præcipue dum ad Romanos c. 13. scripsit:
*Omnis anima potestatibus sublimioribus subdita sit; non ma-
 est potestas, nisi a DEO; qua autem sunt potestates, a DEO or-
 dinata sunt. Itaque, qui resistit potestati, DEI ordinatione re-
 sistit. Et iterum Hebr. c. 13. Obedite Præpositis vestrum, & obedi-
 iacete eis; ipsi enim per vigilant, quasi rationem pro anima
 vestris reddituri, ut cum gaudio hoc faciant, & non genitale
 hoc enim non expedit vobis.*

M E M B R U M X V.

De ijs, quæ erga Sponsos observanda sunt.

Qu. 1. *Quid erga Sponsos observare debeat Pastor?* Rx. tria
 præcipue sequentibus versiculis comprehensa illis sunderi
 esse, nempe

Ut contrahant legitimè

Ad damnum evitandum.

Ut fidem servent integrè

Ad crimen declinandum.

Ut copulentur licetè

Ad DEVM honorandum.

Qu. 2. *Quid ad Matrimonium legitimè contrahendum re-
 quiratur?* Rx. tria præcipue. 1. Ut careant impedimento de-
 rivante. 2. Ut careant impedimento impeditente. 3. Ut
 consensus Parentum accedat; nam et si hic absolutè ad val-
 dandum matrimonium non requiratur, juxta probabiliora

sententiam, tamen ijs rationabiliter invitisi, hunc statum eligere, non modò irreverentiæ est, sed etiam injuriæ erga patriam potestatem; expedit igitur Populum hac de re pro concione monere, simul tamen etiam gravissimè reprehendere Parentes, qui metu gravi proles ad ineundas nuptias cogunt, cùm statum castitatis aut religionis elegerint; aut cùm matrimonii inire decreverint, nimium urgent, ut in Monasterium intrudi se sinant; aut certè, ut cum ijs contrahant, quas nollent: quibus ex rebus, quæ scandala & damna animarum sequantur, satis dici, & defteri non potest.

Qu. 3. *Quid circa fidem sponsalium servandam sit observandum?* R^e. itidem tria. 1. Ut à sponsalibus sine justa causa non resiliant. 2. Ut alteri cum promissione matrimonij non copulentur. 3. Ut eriam inter se, quamdiu simplicia sponsalia durant, non conjugantur.

Qu. 4. *Quid ad licitam copulationem requiratur?* R^e. 1. Ut denuntiationes ordinariæ præcedant, nisi specialis causa ab ijs excuset, qualis foret, si v. g. periclitans de vita, vellet ducere concubinam ad prolem legitimandam; aut si timeretur, ne si permitterentur denuntiationes, matrimonium malitiosè impediretur, neque tempus patiatur Episcopum consuli. 2. Ut contraëtus matrimonialis præsente Parochio & testibus, ubi Concilium Tridentinum receptum est, celebretur. 3. Ut Benedictio nuptialis juxta morem Ecclesiæ præcedat.

Dubia moralia.

Q. 1. *An Pastor debent sponsalibus suorum Parochianorum assistere?* R^e. hac de re sic loqui Synodi Augustanæ Decreta p. 2. c. 10. Primiò, justas ob causas matrimonij Sacramentum ex Ecclesiæ consuetudine præcedere solent sponsalia, quæ sunt sponsi & sponsæ in futurum matrimonium reciproca promissio. Secundiò, ut minor sit controversiarum occasio, sponsalia non clandestinè, & in angulis, sed in domo aliqua honesta coram testibus fiant. Tertiò, nec Parochi, nec alterius ejus loco substituti Sacerdotis præsentia necessaria est, ut validè & legitimè contrahantur. Quin expedit magis non interesse, ne imperitiores verum matrimonium contractum credant, ac proinde ejus sibi jura interdum male usurpant.

N 2

usurpant.

usurpent. Quartò , ubi autem ex longa consuetudine sponsalia vocati sunt Parochi, etsi deinceps quoque ut possint, permittimus, non tamen aliter, quām ut testes venire atque interesse volumus, idque sine superpellice & sola , ac sine ullis peculiaribus Cæremonijs. Quintò , uero nullus Parochus se sponsalibus ingerat, & ubi hacten vocari non consueverunt, non facilè etiam vocati ad ipsa hac accedant. Ubi tamen absente Parocco inita fuerit nuptiis debet, & certior fieri de contractu ab ipsis sponsis testibus.

Qu. 2. An si consensus ob defectum Parochi & iustissimū nullus, requiratur, ut coram illis reiteretur? R. etsi Pontio & alijs affirmativa teneant sententiam, æquè tamen probabiliter negativam tradi à Sanchez l. 2. d. 37. Conincherez, Hurtado & alijs apud Dicastillum d. 2. n. 103, citamus quod per primam attestationem sufficienter obtinetur, a Concilio Tridentino intentus.

Qu. 3. An denuntiationes extra Ecclesiam fieri possint? R. affirmativè cum Pontio, Layman. l. 5. tr. 10. p. 2. c. 4. n. 10. Tullnero d. 8. n. 126. & communī aliorum, quia, cū metiam in illius concursus Populi haberi possit, rectè id sufficiens videtur ad denuntiationem impedimenti, siquod lateret, sciendam.

Qu. 4. An etiam die non Feso fieri possint denuntiationes? R. affirmativè cum Layman. & alijs, modò concio frequentius Populi adsit, cū parū referat, sive Populus die Feso, sive alio conveniat, ad hoc, ut in cognitionem contractū matrimonij veniat, & impedimentum, siquod sciat, deponit possit.

Qu. 5. An tribus diebus Festis immediaè succedentibus possint denuntiationes? R. etsi plerumque Auctores docentes saltem duorum dierum intervallum inter unam & alteram denuntiationem intercedere debere, itaque in Concilio Bergungino & Colonensi l. c. decisum esse, Laymannus refertur, id tamen omnino licet fieri putat Dicastillo loc. cit. aliud in propria Diœcesi non fuerit constitutum, eò quod Concilium Tridentinum jubeat eas in tribus continuo dies fieri, nullam de interpolatione mentionem facient, & verò etiam non appareat, quid illa interpolatione emenda-

menti afferat, ad finem denuntiationum facilius obtinendum.

Qu. 6. *An si uno die Feste interpolato omittat Pastor denuntiationem, peccare mortaliter censendus sit?* R^e. ita quidem Henriquez à Diana p. 3. tr. 4. ref. 236. citatum sentire; sed probabilius ipsum Dianam cum Coninch & alijs contrarium tueri, eo quod non videatur Concilium Tridentinum sub tam gravi obligatione voluisse Pastores obligare, modo non amis diu aut malitiosè differant ejusmodi denuntiations.

Qu. 7. *An in utriusque sponsi Parochia debeat fieri eiusmodi denuntiations?* R^e. Laymannus, et si valde sit probabile, Concilij Tridentini & Lateranensis intentionem fuisse, ut tales denuntiations in utriusque sponsi Parochia fiant, si illi ad diversas spectent, ut impedimenta, si qua forte subsint, ex utraque parte detegi possint; itaque etiam Sanchez, Henriquez, Rodriquez, & alij contra Antonium Cucum doceant, non tamen damnari debere consuetudinem, quæ adhuc in quibusdam Ecclesiis viget, ut denuntiations in solius sponsi Parochia fiant, in qua nuptiæ celebrandas sunt.

Qu. 8. *An possit Pastor in certis casibus absque dispensatione Ordinarij denuntiations omittere, vel unam pro tribus facere?* R^e. affirmativè Ferdinandus Hauckius in Epinomia Paroch. V. denunc. matri. c. 7. afferens sequentes casus, in quibus ejusmodi denuntiations omitti possunt. Primò, si abest suspicio prudens & probabilis malitiosi impedimenti. Secundò pudor, ut, cum inter Contrahentes est disparitas conditionis, ætatis, divitiarum, & qualitatis. Tertiò infamia, ut quando Concubinarij diu sunt habiti proConjugibus, vel quia matrimonium prius contractum fuit nullum, ob occultum impedimentum. Quartò vicinitas temporis clausi, quo prohibitæ sunt nuptiæ, quia ex una parte non expedit, ob periculum fornicationis vel dissolutionis differre matrimonium ad tempus apertum; & ex alia etiam expedit, ut Benedictio Consummationi præmittatur. Imò Hurtadus d. 5. diff. 2 o. n. 69. etiam absque periculo isto putat temporis clausi vicinitatem esse causam sufficientem omittendi denuntiations, aitque ita à S. Congregatione decisum. Quintò Magnatum dignitas; in his enim cessat plerumque periculum occultationis impedimentorum, vel certè alioqui consuetum

non est eorum matrimonium bandiri. Sexto damnum statibile temporale, vel spirituale evitandum, in quibus omnibus casibus docet prædictus Auctor, Parochum omittere posse dictas denuntiationes, etiamsi Episcopus requisitus negaverit facultatem (quia dispensatio, si justè negetur, habita pro concessa, teste Sanchez d. 10. n. 26.) imò si judicium probabile damni gravis adsit, omittere eum posse denuntiationes, etiamsi Episcopus adiri possit, uti multi Auctores apud Bossum tract. de matr. contr. s. 22. n. 108. tenent, quia licentia Episcopi tunc tantum de consilio requiritur, eo quod nocivum admodum, & consequenter iniquum sit obseruare legem denuntiationum, atque adeò rectè per benignam interpretationem dici possit, etiam in tali casu non obligat. Addit tamen citatus Auctor, hæc omnia in foro tantum interno habere locum.

Qu. 9. *An si post factas denuntiationes longo tempore intra quatuor menses non contractum est matrimonium, item premitti debeant denuntiationes?* Rz. affirmativè Rebella & Bonacina, itaque à S. Congregatione decimum auctor, eo quod intra tale tempus facile iterum novum impedimentum ex affinitatis oriri queat.

Qu. 10. *An Pastor omittens denuntiationem trinam suspicionem incurrat?* Rz. ita quidem sentire Barbosam de Paroch. c. 21. n. 27. ob textum Juris Canonici in c. 3. de clandestina desponsatione; verum Ludovicus Engel Man. Paroch. p. 3. c. 5. s. 6. n. 3. putat, textum illum loqui tantum de casu, quo patitur Parochus aliquos in consanguinitate, vel aliquo alio impedimento existentes contrahere; posito autem quod pœnam istam incurriteret, hanc pœnam non ipso facto incurri, sed primum per sententiam Judicis Ecclesiastici denuntiandam esse, non obscurè ex eodem textu colligitur.

Qu. 11. *An si denuntiationes ante nuptias factae non fuerint, post eas ante consummationem facienda sint?* Rz. Layman l. 5. tr. 10. p. 2. c. 4. n. 11. affirmativè, eo quod ita Concilium Tridentinum moneat, ut, si fortassis aliquod impedimentum subsit, ante copulam fornicariam deregatur; sed quia fortè nimis difficile in praxi videbitur, Conjuges novi ad tam diuturnam abstinentiam adigere, ideo Episcopus merceri potest, ut dispense, si videatur.

Qu. 12. An, si unus sponsorum secundo nuptias celebret, iterum Benedictionem illis Pastor adhibere debeat? Rz. negativè quidem communiter Auctores respondere ob Capitulum tertium de secundis nuptijs, eò quòd Benedictio semel collata iterari non debeat; nihilominus tamen, cùm teste Layman l. c. n. 13. consuetudo jam passim obtinuerit, ut nuptiæ primò nubentis Mulieris cum Viduo benedicantur, ideo poterit ea in tali casu observari, quàm aliqui etiam ad casum, quo Vir Benedictionem non accepisset, extendunt.

Qu. 13. An Pastor matrimonii Hæreticorū signos in sua Parochia habet, assistere possit? Rz. Laym. l. 5. tr. 10. p. 2. c. 4. n. 8. non appare rationē, cur assistere prohibetur in nostra Germania, cùm neque communicatio, quæ in his partibus permissa est, impedit, neque reverentia Sacramenti, quod Hæretici indignè suscipiunt, quia Pastor assistens matrimonio est testis tantum; neque infrequens est, ut Pastor assistat matrimonio aliorum, qui notorij peccatores sunt, quando non patientur sibi persuaderi, ut ad Sacramentum dignè recipiendum se disponant.

Qu. 14. An quis cum ignorantia legis matrimonia clandestina irritantius contraxerit, debeat ad novum matrimonium ineundum incitari? Rz. id quidem aliquos apud Ferdinandus de Castro p. 5. d. 4. pu. 13. f. 8. n. 51. & Coninch. d. 27. du. 1. oīatos negare, rectius tamen hos cum Sanchez l. 3. d. 17. n. 10. & alijs affirmativam partem tenere, eò quòd etiam in alijs impedimentis dirimentibus non obster ignorantia talis impedimenti, quòd minus matrimonium cum tali impedimento contractum dissolvatur.

Qu. 15. An Pastor extra suam Parochiam possit assistere ijs, qui ex suis Parochianis matrimonium ineunt? Rz. affirmativè cum Diana p. 9. tr. 7. ref. 45. & alijs communiter contra Henriquez, Coninch, Pontium & alios ab eo citatos, quia extra Parochiam non desinunt esse subditi illius; rectè tamen addit Laymann peccaturum talem Parochum, si solemniter extra propriam Ecclesiam assisteret.

Qu. 16. An Pastor, in cuius Parochia tantum per transi-
tum habitant contrahentes, possit assistere eorum matrimonio? Rz. et si Pontius l. 5. c. 15. & Sanchez d. 19. & 25. n. 14.
l. 3. doceant, Pastorem posse matrimonio assistere, si vel uni-

196

De Observandis erga Sponsos.

eius tantum sponsorum vagus sit; recte tamen advertit Layman, hoc non de licita, sed valida duntaxat assistentia intelligendum, cum Concilium Tridentinum Sess. 14. c. 7. expresse præcipiat Parochis, ne vagorum matrimonij stant, nisi post diligentem inquisitionem & licentiam ordinario obtentam.

Qu. 17. *An Pastor excommunicatus, suspensus, aut amictus validè assistat matrimonio?* R₂. Layman l. 5. tr. 10. q. 1. c. 4. n. 5. affirmativè, modò non sit actualiter depositus, titulum ac possessionem Beneficij retineat; quia assistere matrimonio non est actus jurisdictionis vel administrationis (cum etiam ab invito seu coacto validè praestari possit) est actus testimonij ex juris dispositione ad matrimonij substantiani requisitus.

Qu. 18. *An, si dubium sit de impedimento dirimenterum Pastorem matrimonio assistere?* R₂. et si hoc contra Ferdinandum de Castro, Laymann & alios apud Dianam p. 10. tr. 13. ref. concedat ipse cum Sanch. Sancio, Bardi, Franciso Lugo & aliis; rectius tamen facturum Pastorem, si prius, latenter quando res moram patitur, dubium ad Ordinarium defensum ab eoque resolutionem exspectet.

Qu. 19. *An Testes pro valore matrimonij debeant habere conditiones pro testibus alias requisitas?* R₂. negative; cum juxta communem sententiam etiam impuberis, excommunicati, fœminæ, infames, infideles, parentes, liberi, servientes testes possint, uti Laymann l. 5. tr. 10. p. 2. c. 4. n. 6. ref. statut; & merito cum matrimonij causa æquè favorabiliter ac fidei, ac proinde, sicut in fidei favorem tales testes admittuntur, ita idem etiam merito in matrimonij causa contingat.

Qu. 20. *An, si sponsi in sponsaliorum contractu sive ex curia, sive studio uterentur verbis de presenti dicentes, si accipio te in meum & meam, matrimonium ratum censeretur beat Parochus?* R₂. Layman l. c. n. 15. negative, quia præsummi non debet sponsos voluisse nondum præmissis denuntiationibus matrimonium cum gravi peccato contrahere; hinc et si verbis contractum matrimoniale significantibus fatus, ea tamen secundum naturam contractus, quem insinuerunt sponsi voluerunt, intelligi debent, nam intelligentia verborum

borum ex causis est sumenda dicendi, quia non sermoni res, sed sermo rei subiectus est.

Qu. 21. An, si sponsi coram Parocho & Testibus tantum sub conditione consenserunt, debeant hi conditione purificata serum vocari, & de illa certificari? R^e. non esse vocandos, docere quidem Sanchez l. 5. d. 8. sed communiorem & securiorrem esse Laymanni l. 5. tr. 10. p. 2. c. 7. n. 3. Præpositi, Perez, & aliorum sententiam, qui omnino vocandos esse concedunt; alioqui enim non possent testificari, quod matrimonium perfectum esset.

Qu. 22. An, si impedimentum v. g. honestatis publica ignoratur a contrahentibus, nihilominus vim suam in illos exercet? R^e. iterum affirmativè cum Lessio c. 7. d. 1. n. 130. & Dicastillo d. 9. n. 109. quia hæc impedimenta non tam sunt penæ, uti Adversarij contendunt, quam inhabilitates quædam, atque adeò etiam ab ignorantibus merito contrahi dicuntur, licet contraria sententia, quam Diana p. 10. tr. 13. ref. 51. communiorem vocat, non careat etiam sua probabilitate.

Qu. 23. An, si sponsi animo manendi in aliquo loco per maiorem anni partem contrahant, contractus iste validus sit, si postea non maneant in illo loco? R^e. affirmativè cum Sanchez l. 3. d. 23. à n. 12. & aliis, quia ex tali habitatione acquiritur quasi domicilium, uti ex Jure Civili constat lege hæc res absens ff. de Judicijs, talem autem habitationem sufficere ad hoc, ut aliquis Parochianus censeri queat, ex cap. fin. de Paroichijs colligitur.

COMPENDIUM DOCTRINARUM AD LINEAS COGNATIONUM PERTI- NENTIUM.

Cum hæc materia frequenter admundum occurrat, & Parochores gravem plerumque difficultatem experiantur in gradibus cognitionum dignoscendis, placuit ea, quæ ad hanc materiam pertinent, paulò magis ad praxin accommodata huc apponere.

N 5

PARS